

BOSNA I HERCEGOVINA
CENTRALNA IZBORNA KOMISIJA
SREDIŠNJE IZBORNO POVJERENSTVO



БОСНА И ХЕРЦЕГОВИНА
ЦЕНТРАЛНА ИЗБОРНА КОМИСИЈА

**KRITERIJI I POSTUPAK
POPUNE NEDOSTAJUĆIH MANDATA U DOMU NARODA PARLAMENTA
FEDERACIJE BOSNE I HERCEGOVINE-OPĆI IZBORI 2018. GODINE**

Sarajevo, februar 2019. godine

Poštujući ustavni princip pariteta u predstavljanju konstitutivnih naroda i odgovarajućeg predstavljanja Ostalih (Amandman XXXIII, stav 1. tačka 1. na Ustav Federacije Bosne i Hercegovine, a na osnovu člana 2.9 stav (1) tačka 2, člana 10.10 do 10.16 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16) i člana 37. stav (3) Uputstva o postupku provedbe posrednih izbora za tijela vlasti u Bosni i Hercegovini obuhvaćenih Izbornim zakonom Bosne i Hercegovine ("Službeni glasnik BiH", br. 38/14, 90/16, 8/17 i 91/18), Centralna izborna komisija Bosne i Hercegovine na 25. sjednici, održanoj 27.02.2019. godine, utvrđuje

**KRITERIJE I POSTUPAK
POPUNE NEDOSTAJUĆIH MANDATA U DOMU NARODA PARLAMENTA
FEDERACIJE BOSNE I HERCEGOVINE-OPĆI IZBORI 2018. GODINE**

**Član 1.
(Predmet)**

(1) Utvrđuju se kriteriji i postupak popune nedostajuća tri delegata iz reda srpskog naroda u Dom naroda Parlamenta Federacije Bosne i Hercegovine nakon provedenih procedura utvrđenih u članu 10.10 do 10.16 Izbornog zakona Bosne i Hercegovine, a u cilju osiguranja ustavnog načela pariteta.

(2) Centralna izborna komisija Bosne i Hercegovine je odlukom o potvrđivanju rezultata posrednih izbora i dodjeli mandata za Dom naroda Parlamenta Federacije Bosne i Hercegovine dodijelila mandate za 14 delegata iz reda srpskog naroda u Dom naroda Parlamenta Federacije Bosne i Hercegovine i utvrdila da nedostaju tri delegata iz reda srpskog naroda.

**Član 2.
(Kriteriji)**

Za popunu nedostajuća tri delegata iz reda srpskog naroda u Dom naroda Parlamenta Federacije Bosne i Hercegovine, Centralna izborna komisija Bosne i Hercegovine utvrđuje i primjenjuje sljedeće kriterije:

- a) broj stanovnika iz reda srpskog naroda po kantonima uzimajući u obzir apsolutni i procentualni broj stanovnika u odnosu na ukupan broj stanovnika,
- b) kvalifikovanost političkih subjekata (prijeden cenzus i osvojen najmanje jedan mandat u skupštini kantona), a koji ima kandidata na kandidatskim listama iz reda srpskog naroda i
- c) broj osvojenih ličnih glasova kandidata sa liste političkog subjekta iz tačke b) ovog člana.

Član 3.
(Postupak)

(1) Nepopunjena delegatska mjesta pripadaju kantonima koji imaju najviše stanovnika iz reda srpskog naroda u apsolutnom broju stanovnika kantona i procentualnom broju stanovnika u odnosu na ukupan broj stanovnika u kantonu, a koja nisu popunjena ni nakon provedenog postupka iz člana 10.16 Izbornog zakona Bosne i Hercegovine, a to su Kanton Sarajevo (13.300 ili 3,2%), Kanton 10 (10.905 ili 13,00%) i Unsko – sanski kanton (8.452 ili 3,1%).

(2) Popuna delagata u Domu naroda Parlamenta Federacije Bosne i Hercegovine vrši se kandidatima sa kandidatskih listi političkih subjekata koji su osvojili mandat u skupštini kantona iz stava (1) ovog člana, koji ima kandidata na kandidatskim listama iz reda srpskog naroda.

(3) Delegatsko mjesto dodjeljuje se kandidatu iz reda srpskog naroda koji je osvojio najveći broj ličnih glasova u tom kantonu iz političkog subjekta koji je osvojio najmanje jedan mandat u skupštini kantona.

Član 4.
(Mandati)

Mandati se dodjeljuju pojedinačnim odlukama Centralne izborne komisije Bosne i Hercegovine Bosne i Hercegovine u skladu sa kriterijima iz člana 2. ovog akta.

Član 5.
(Primjena)

Ovaj akt se primjenjuje narednog dana od dana objave u „Službenog glasniku BiH“, a objavit će se i u „Službenim novinama F BiH“, „Službenom glasniku RS“ i „Službenom glasniku Brčko distrikta BiH“ i internet-stranici Centralne izborne komisije Bosne i Hercegovine www.izbori.ba.

Broj: 05-1-02-2-1507-15/18
Sarajevo, 27.02.2019. godine

